

KANTON SARAJEVO
SKUPŠTINA KANTONA SARAJEVO
SABAHUDIN DELALIĆ
Zastupnik SDA u Skupštini Kantona Sarajevo

MINISTARSTVU SAOBRAĆAJA KS
MINISTARSTVU UNUTRAŠNJIH POSLOVA KS

ZASTUPNIČKA INICIJATIVA

Pokrećem zastupničku inicijativu da nadležno Ministarstvo saobraćaja obezbijedi veći broj parking mjesta za osobe sa invaliditetom čija su vozila obilježena odgovarajućom međunarodnom oznakom pristupačnosti koja je izdata od MUP-a Kantona Sarajevo. I da se u cijelom Kantonu ispod saobraćajnog znaka koji označava mjesta za parkiranje takvih vozila postavlja i tabla sa natpisom „Ako si zauzeo moje mjesto hoćeš li i moj invaliditet”, što je već učinjeno u nekim opštinama.

Također, iniciram da MUP Kantona Sarajevo vrši pojačanu kontrolu vozila koja su označena znakom pristupačnosti sa posebnim osvrtnom na kontrolu izgleda tog **znaka i sliku osobe koja upravlja istim** jer su sve češće zloupotrebe istog, što onda onemogućava da se osobe sa validnim oznakama parkiraju.

Predlažem da se javnost obavijesti putem javnih medija u udarnom terminu kako izgleda jedina validna međunarodna oznaka po važećem Pravilniku kako bi se smanjio broj lažnih oznaka. Veoma je lako pokazati sliku oznake s obje strane i navesti šta ona sadrži.

O B R A Z L O Ž E N J E

Kanton Sarajevo na žalost ima veliki broj osoba sa invaliditetom koje po Zakonu i Pravilniku o obilježavanju vozila kojim upravlja osoba sa oštećenim ekstremitetima ili kojima se prevozi osoba sa invaliditetom ili kojim se prevoze članovi udruženja (Službeni glasnik BIH, broj 54/17) imaju pravo na tu oznaku.

No međutim, kako je u gradu svakako veliki problem sa saobraćajem u mirovanju, veoma često se dešava da osobe sa invaliditetom ne mogu pronaći mjesto za parkiranje vozila ili da su mjesta koja su rezervisana za takva vozila uzurpirana od strane nesavjesnih vozača, što predstavlja veliku prepreku za osobe sa invaliditetom u izvršavanju njihovih svakodnevnih potreba, jer se znak pristupačnosti izdaje za osobe sa oštećenjem donjih ekstremiteta i slično, što znači osobe koje imaju otežano kretanje.

Z A S T U P N I K

Sabahudin Delalić